



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevæ, 1613

De benedictione & Consecratione aquæ Baptismatis, & de Columna
candelæ cereæ 60

urn:nbn:de:hbz:466:1-34315

Septima Pars.

De Consecratione aquæ Baptismi & columna cereæ.

CAP. LX.



SEPTIMA Accusatio est de Consecratione aquæ Baptismi & de Columna cereæ candelæ, quorum utrumque admodum antiquæ obseruationis est. Et tamen de utroque nihil amplius in S. literis traditum est, quàm quod D. Paulus 1. Tim. 4. docet de sanctificatione omnium rerum per verbum & orationem. Aduersarij verò Consecrationem istam peregrina lingua administrant, contra consuetudinem antiquorum. Adhæc eò superstitionis apud pleròsque deuenit, quasi per eam peculiaris quædam vis aquæ tribuatur, & Baptismus simplici aqua iuxta verbum Domini ministratus, non tam bonus atque efficax sit, quàm qui cum aqua consecrata datur. Is autem grauis abusus est, & fidei in Christum horrenda offensio.

Quod si verò per hanc Consecrationem vera ædificatio in Ecclesijs Christi promoueri posset, de precatone aliqua scripturæ consentanea conueniendum esset, in qua Dominus inuocaretur, vt daret, quò aqua ad S. Baptismum salutariter nobis inferiret, iuxta verbum ipsius: ita vt nihil vltius ibi fieret, quàm quod D. Paulus docet, cum inquit, Quod omnia quæ Deus in usum & vtilitatem nostram condidit, per verbum & orationem sanctificentur: omnisque abesset superstitio.

Multa signa adhibere, vt Vnctionem Olei, Exufflationem, Cereorum infertionem, aliàque id genus plurima, de quibus nullum extat mandatum Domini: cumque multa externa & significantia signa usurpare, Iudaicum potius sit quàm Christianum: adhæc cum ea populus non intelligat, certè in eorum vsu & obseruatione magis incredulitatis & Iudaicæ seruitutis discrimen, quàm Christiana ædificatio expectanda est. Iam verò contra Deum est, non omnia eiusmodi pericula euitare, ac non potius certam ædificationem querere.

Finis omnium Ecclesiasticorum rituum est ædificatio fidei in Christum 1. Cor. 14. quàm longè melius per simplex ac probè intellectum verbū Dei in populo promouere possumus: quàm si plurima adhibeamus muta signa, præsertim si mystica, eorum significatio populo non explicetur, quemadmodum apud Aduersarios fieri solet.

Quando de Columna Cereæ candelæ Prudentium citant, nimis latè versus eius extendunt. Illi enim tatummodo de cereo paschali sonant, cuius olim vsus in Ecclesia fuit, quando tota nocte paschali habebantur vigiliæ, vt hominibus lucem præberet. Hanc veteres, quemadmodum omnes alias res, per verbum & orationem sanctificarunt. De hac vero candela cerea, quam homines persuasi sunt, vt infantibus ad Baptismum præferat, vt ea sicut in quibusdam locis fieri solet, Pastoribus relinquatur: & quæ aliis in locis ad id adhibetur, vt infantes legitimè nati

nati ab illegitimis discernantur, in aliis denique ob alias quasdam impias causas usurpatur, de ea, inquam, nec Prudentius, nec alius quicquam ex antiquis vel verbo mentionem fecit. Probè inspiciantur verus, quos Aduersarij adduxerunt, qui ita incipiunt:

O res digna Deo, quam tibi roscida

Noctis principio grex tuus offerat, Lucem, &c.

Totus enim iste hymnus de iis tantummodo candelis cauit, quæ olim in nocte Paschali ad tenebras depellendas accendebantur. In quibus præ ac Christianè seiplos admonuerunt Christi Domini, lucis mundi: quemadmodum etiam columnæ igneæ, per quam Deus populum suum eduxit ex Ægypto, & quæ typum gerebat Christi. Verum de talibus rebus ne verbo quidem docent Aduersarij populum, sed tantummodo mutis quibusdam & non intellectis signa omnia sua perficiunt.

Decima pars.

De veste alba.

CAP. LXI.



Sus vestis albæ etiam peruetustus est. Verum quantum magis necessarium est, de eo elaborare, quomodo Christum Dominum induamus, eoque conuestiamur? Eo sunt omnia in libro Reformationis, idque iuxta eam rationem ac formam quam ipsum verbum Dei præscribit, quod de veste alba nullam mentionem facit.

De pluralitate signorum, quæ ad administrationem Baptismatis accesserunt, generalis responsio.

CAP. LXII.



ET ERES ad excitandam & augendam religionem deuotionemque populi apud Baptismum, & ad maiorem administrationi mysterioque illius auctoritatem & solennitatem conciliandam, plurima signa, & spirituales ceremonias adhibuerunt. Eas verò diligenter quoque ac fideliter populo explicauerunt, & ad verè fidelem præsentiam, omnimodamque fidei in Christum edificationem, cū perspicuis & intelligibilibus lectionibus, orationibus ac hymnis excitauerunt & adduxerunt.

Aduersarij verò longo iam tempore hæc signa & externos ritus sine intellectu, sine deuotione, sinéque omni ædificatione, imò partim ad ludicrum, partim ad impium & superstitiosum spectaculum usurparunt. Quamobrem neque de S. Patribus gloriari, neque eorum auctoritatem istis Ecclesiis obiicere possunt, quæ mysteria & dona Dei apud